



Broj : 10/E-11-¹³²¹/26
Sarajevo: 05-03-2026 godine

Na osnovu člana 10c. stav (5) i člana 18. stav (2) Zakona o javnim nabavkama („Službeni glasnik BiH“, broj 39/14, 59/22 i 50/24) – u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a u skladu sa zahtjevom Službe za zajedničke i tehničke poslove od 04.03.2026. godine, Opštinski načelnik d o n o s i :

O D L U K U **o izuzeću od primjene Zakona o javnim nabavkama**

Član 1.

Od primjene Zakona o javnim nabavkama izuzimaju se usluge pretplate službenih glasila, a koje se mogu nabaviti od JP NIO Službeni list BiH.

Član 2.

Postupak usluga iz člana (1) ovog člana, je u skladu sa članom 10c. stav (5) Zakona o javnim nabavkama, i izuzet je od primjene odredbi Zakona. Vrsta ugovora su usluge.

Član 3.

Procijenjena vrijednost nabavke bez PDV-a iznosi ukupno 3.418,80 KM.
Predmetna nabavka je planirana u Budžetu Općine Centar Sarajevo za 2026. godinu, na budžetskom kontu: 613410. JRJN: 79980000-7 – Pretplatničke usluge.

Član 4.

Kabinet općinskog načelnika – Odsjek za javne nabavke pokrenut će proceduru izuzeća od primjene odredbi Zakona o javnim nabavkama ("Službeni glasnik BiH", br. 39/14, 59/22 i 50/24), dok je za praćenje i realizaciju iste zadužena Služba za zajedničke i tehničke poslove, u skladu sa zakonom i općim aktima ovog Organa uprave.

Član 5.

Predmetna nabavka će se provesti u skladu sa odredbama Pravilnika o internim procedurama u postupcima javnih nabavki roba, usluga i radova sa načinom realizacije ugovora nakon provedenog postupka javne nabave, te će nadležna služba obezbijediti dokaze za provođenje predmetne nabavke, a sa JP NIO Službeni list BiH će se zaključiti ugovor o pružanju usluga pretplate na službene novine.

Član 6.

Ova Odluka stupa na snagu danom donošenja i ista će biti objavljena na internet stranici Općine Centar Sarajevo.

O b r a z l o ž e n j e

Na osnovu zahtjeva Službe za zajedničke i tehničke poslove od 04.03.2026. godine za pokretanje procedure javne nabavke usluga pretplate službenih glasila i to: Službeni list BiH, Službeni list BiH – Međunarodni ugovori, Službeni list BiH – Oglasnik javne nabavke, Službene novine Federacije BiH i Službene novine Kantona Sarajevo – printano i internet izdanje za 2026. godinu, a koje se mogu nabaviti od JP NIO Službeni list BiH, Kabinet općinskog načelnika – Odsjek za javne nabavke pokreće predmetnu nabavku.

Nakon što je Kabinet općinskog načelnika – Odsjek za javne nabavke izvršio provjeru svih elemenata za pokretanje postupka navedenih usluga, utvrđeno je da se navedene usluge izuzimaju od primjene odredbi Zakona o javnim nabavkama u skladu sa članom 10c. stav (5) Zakona o javnim nabavkama.

Predmetna nabavka će se provesti u skladu sa odredbama Pravilnika o internim procedurama u postupcima javnih nabavki roba, usluga i radova sa načinom realizacije ugovora nakon provedenog postupka javne nabave, te će nadležna služba obezbijediti dokaze za provođenje predmetne nabavke.

Sa JP NIO Službeni glasnik BiH će se zaključiti ugovor o pružanju usluga pretplate.

Dalje, članom 18. stav (1) Zakona o javnim nabavkama, propisano je da ugovorni organ pokreće postupak javne nabavke donošenjem odluke o pokretanju postupka javne nabavke u pisanoj formi, dok je stavom (2) istog člana propisano da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je donijeti odluku koja, osim zakonske osnove za izuzeće od primjene ovog zakona, sadrži osnovne elemente iz stava (1) tačka b), c) i d) ovog člana.

Članom 10c. stav (5) Zakona o javnim nabavkama, propisana su izuzeća od primjene odredbi ovog zakona, gdje je definisano:

„Ovaj zakon ne primjenjuje se na sklapanje ugovora isključivo između dva ili više ugovornih organa ako su ispunjeni svi sljedeći uslovi:

- a) ugovor se utvrđuje ili ostvaruje saradnja između tih ugovornih organa s ciljem osiguravanja da javne usluge koje oni trebaju pružiti ostvaruju njihove zajedničke ciljeve;*
- b) ta saradnja uspostavljena isključivo na osnovu potreba vezanih uz javni interes;*
- c) ti ugovorni organi ostvaruju na otvorenom tržištu manje od 20 % djelatnosti na koje se odnosi saradnja.*

Predmetne usluge se mogu obezbijediti od JP NIO Službeni list BiH, te je konstatovano da je JP NIO Službeni list BiH pravno lice-ugovorni organ, osnovano od strane državnog nivoa vlasti, da se između ugovornih organa ostvaruje saradnja s ciljem osiguravanja javne usluge kojima se ostvaruju njihovi zajednički ciljevi, da je saradnja uspostavljena isključivo na osnovu potreba vezanih uz javni interes, te da ugovorni organi ostvaraju na otvorenom tržištu manje od 20% djelatnosti na koje se odnosi saradnja.

U skladu sa članom 18. stav (1) i (2) a u vezi sa članom 10c. stav (5), kojim su propisana izuzeća od primjene odredbi ovog zakona, utvrđeno je da su ispunjene pretpostavke za donošenje predmetne odluke.

Period primjene pružanja usluga teče od dana donošenja ove odluke. Za praćenje i realizaciju navedenih usluga zadužena je Služba za zajedničke i tehničke poslove.

Analizirajući predmetni zahtjev, nadležna Služba za finansije utvrdila je da su ispunjene pretpostavke za realizaciju navedenih usluga, odnosno da su finansijska sredstva za ove namjene planirana u Budžetu Općine Centar Sarajevo za 2026. godinu, na budžetskom kontu: 613410. Shodno zakonu i općim aktima Općine, Opštinskom načelniku dostavlja se prijedlog Odluke o izuzeću od primjene odredbi Zakona o javnim nabavkama.

Cijeneći prethodno navedeno donesena je Odluka kao u dispozitivu.

Izrada: Samira Duraković

Kontrola i saglasnost: Adeline Džanković

(po ovlaštenju broj: 10-30-153/26 od 03.03.2026.godine)



Dostaviti:

1. Službi za zajedničke i tehničke poslove
2. Službi za finansije
3. Kabinetu općinskog načelnika – Odsjeku za javne nabavke,
4. Evidenciji